

晚晴移詩匯

聯珠彩詩匯卷一百六十四目錄

譚廷獻 十七首

諸可寶 九首

鍾體志 一首

陳啟佑 十首

張王熙 一首

江珍楹 一首

嚴錦 四首

錫珍 九首

宗室寶廷 八首

許景澄 六首

聯元 一首

何如璋 三首

潘衍桐 三首

劉廷枚 一首

鮑存曉 二首

洪良品 四首

魏迺勳 三首

蔡以瑞 一首

陶模 四首

吳大澂 三首

袁思韞 二首

施補華 十四首

趙銘

十一首

陶在銘

一首

王鵬運

四首

顏嗣徽

一首

楊恩壽

四首

柳商賢

二首

徐鑾

一首

許印芳

五首

胡友梅

三首

葉道源

三首

黃良輝

六首

黃炳垕

一首

陳豪

七首

周家祿

十四首

晚晴移詩匯卷一百六十四

徐世昌

譚廷獻字仲修號復堂仁和人同治丁卯舉人官合肥

知縣有復堂詩

詩話復堂殫精樸學謹守乾嘉以來諸大師家法著述斐然詩溯源漢魏六朝婉篤深厚武林近世詩家樊榭隨園定菴才地迥別造詣攸殊皆能以其所學轉移風氣主一時壇坫復堂所作恆出三家畦町之外

潮

天地無顏色濤聲上古臺秋風江水闊落日暮潮來縹緲
魚龍氣艱難舟楫才十年滄海思何處問蓬萊

述舊敘懷送陳雲欽北游五十韻

草色王孫路柳條天下春鴻賓高念侶鷹繫曲隨人問俗

衣冠拙杜門談笑真相驅飢有力靡騁亂無因伐鼓中原
賊炊珠吾土貧稻梁嗚寡婦烽燧互征塵月旦評黃憲滄
洲挈惠詢斷金數輕薄抱玉與沈淪海出珊瑚氣霜知枯
柏鄰素交原有屬別恨爲重陳憶昔書堂聚逢君早歲親
盟心俱落落逐隊各振振文史三冬益恩情千載新音餘
山水意跡自驅蛩偷風日開軒好家庭置酒頻萊衣朝爛
纓縞帶坐逡巡榴葉青于染荆華豔似紉銅鑲留紫燕碧
井狎文鱗物態嬋娟足交期脫略信嫌都忘弟妹歡不問
宵晨世事翻雲雨浮生感溷茵藥籠遺小草車轂是勞薪
絕塞飛狐險高臺駿馬珍關河慘幽薊戰伐閱燕秦白日
辭鄉樹黃流暗去津江南載書劍天北指星辰惻惻倚閭
望飄飄去國身之官依夏馥驚座到陳遵浩蕩游無色蕭

條筆尙神故人多落魄遠道獨含辛作客山陬晚違時跬
步迤田間歎鴻鵠地上走騏驎謀食懲書卷登場易笑顰
兒曹且紈綺畫氣亦金銀鄉縣浮雲隔荒齋暝霧屯壁昏
蝸寄窄檠淺鼠窺噴歸夢迷難覺離居意未申出門春黯
澹伏枕母嘔呻深澗松根鬱孤芳蘭佩紉洪鑪金莫躍泮
澣手還龜羈旅空驤首天涯送去輪江雲飛縹緲嶽樹望
嶙峋壯志看青鏡君行近紫宸聖賢聞贈處韋布待經綸

同王以湘滄浪亭懷古

游絲冑花天陰陰隔花嘯鳥青林深古人不見古亭圯惟
聞流水如鳴琴清流不洗世人耳滿城絃管多繁音晝漏
遲遲歌未歇豪竹哀絲爲誰發此時蔓草徧池臺當日金
錢買風月勝地由來有盛衰何況人生易華髮天涯弔古

復傷離人物風流各有時
雲樹江南留不得爭知來者復
爲誰

答內閣侍讀葉名澧

二南王化始江漢有風詩皎皎長安月
泠泠寡女絲古人思見我大雅得同時
燕草逢搖落牢愁醉莫辭

挽葉潤臣觀察

閩海歸來日當君輟瑟辰
平生重知己當世失斯人
楚雁來何暮燕雲闇不春
金徽留古調絃絕自傷神

哭吳子珍

人生山海別日夕念所親
君子忽淪亡然疑已悲辛
旣信祇野哭逆旅豈寢門
寒雨匙春氣黯黯太空雲
高堂多白髮寡婦猶青春
穉子未毀齒無術贖君身
長安有何戀聞

見皆傷神憂來多狎游醉飽鏤精魂我今結習盡牙琴不
復陳著書真旒贅子毋惜遺文

我昔長安歸秋風弔袁生詩袁吳爲中表各負俠少名我
謂子記室亦呼袁騎兵袁死子已孤子死我益驚生死凡
夫中蒼蒼有權衡但惜二十年苦爲名教爭推移我嶺外
肝腑摧已平軍中周伯子炳勿乃猶硜硜

故鄉忽殘毀羣盜橫戈矛刀光滿城市火雲復浮浮兩家
老弱在倉卒將誰投子家我在遠我家子已休結客雖云
多緩急孰與謀重足待消息奔命還吾州羨子入下泉亡
知當亡憂不能爲國殤七尺真悠悠

建甯試院送楊晉熙廣文丈歸杭州

北來雲氣紛如墨一春靈雨春無色雷殷空山草木仆飢

禽塌翅危巢側殊方客子悲餘春消息鄉閭不忍聞昆岡
玉石有餘望握手相看各苦辛賊去倉黃問家室千里歸
人氣蕭瑟我有高堂胡不歸口不能言但悽怵中流失船
馮一壺赤手救火空奮呼書生乃爾等木石艱危到此還
躊躇先生意氣吾鄉里同客天涯異行止風鳴萬竹仙霞
關晴見雙臺富春水營門笳鼓任喧闐襍被孤征路如砥
再拜乞君諗吾母未暇闈房念妻子去作人間丁令威人
民城郭是耶非魂夢相隨度嶺去杜宇聲中淚滿衣

符雪樵先生挽詩

滿徑蓬蒿淚雨殷故人忍再叩松關流傳文字真知少閱
歷甘辛死日閒浩浩驚風吹積水蕭蕭羣木下空山如何
千里江鄉路祇見翩翩白旆還

金山

笳鼓聲銷戰氣收
金山無恙出中流
江光自上南朝寺
春色遙連北固樓
飛鳥回翔來去客
浮雲變滅古今愁
舊人不識巖前路
載酒聊從步履游

吼山同陶方琦子珍

夫容倒垂作奇石
春流日漱靈根白
下削雲膚幾千尺
東宕鳥嘯西宕聞
雲窗霧閣參差分
美人離立錦繡裊
振衣直出煙蘿上
翳竹盤松各殊狀
萬壑千巖鬱相向
蠟屐頗愧阮步兵
安得秋攜雙玉笙
雲石峰頭吹月明
千秋高舉尋遐契
流水浮雲看世事
樵風可乘休入市
廿年心力未著書
名山笑我當何如
白頭與子來結廬

飛霞閣弔戴子高

閣外山如屏伴君四三年我行躡秋草到君舊榻前鬚眉
不可見雲物故嬾娟正坐讀書誤事事無世緣西風滿闌
檻何能不淒然零落平生契言語徒自賢唐生端甫古死
友遺書爲君傳出門淮水西雪涕亦潺潺安得蔣山石奇
骨與同堅

得陶子珍湖南書

楚天迢遞此征鴻沅澧微波語乍通郢客有歌皆白雪使
車何地不春風徘徊芳樹人千里夙昔緇塵酒一中落日
浮雲看不見高山流水幾時同

義士行書張炳元傳後

班超布衣一諸生奇功三十六人成奇功絕域尙可立胡
乃義士殲名城誰與男子張應庚宛轉虎口蓐棘荆翻城

反正再三試雲作死氣鼓死聲氣經百折不少挫事敗狂
寇魂猶驚是時大帥亦雄桀艱難百戰揚麾旌一念持重
事機失坐甲遂老十萬兵西風秦淮草不青漢月猶照將
軍營卅年高歌洗兵馬來弔國殤胸不平伊子悲歌向燕
市田生玉梅握手濁酒傾奇聞涕淚述同志烈士骨相終
徇名辱哉降官亦男子朽骨遺臭迷縱橫至今五夜蔣山
上義士精氣爲列星

湛侯至自黔遂有晉游

夢阻高張路俄驚客在門間關辭黑水壘塊借青尊自爾
憐同調終焉念舊恩已違池上酌相送又江輪

孝肅祠堂

祠門雲氣接華光待雨先秋試早涼水鳥飛來蒲葦碧青

山影裏芰荷香好從尊酒頻中聖見說清時有諫章芳草
遠尋歌楚怨人間何地不三湘

諸可寶字璞齋一字遲鞠錢塘人同治丁卯舉人官崑

山知縣有璞齋詩集

詩話璞齋與會稽陶子纘編修並掣訓詁相約著書
子纘歿挽詩有云篇林兩卷補孫任搜剔同償好古
心自注校補孫按察輯蒼頡篇任御史輯字林同志
廿年璞齋工績事通算學者有疇人傳三編七卷婦
鄧能詩闡房倡隨之雅
不減德夫之於漱玉也

澄心堂歌

青華鏤筆紅絲硯澄心堂紙白於練宮中保儀女掌書江
山如笑排鶯燕姊妹承恩侍李皇提鞞剗鞞事荒唐通天
一帖題昭后初月雙趺創窻孃燒槽琵琶暝玉柱君王小
令歌行路別翻曲子念家山彈絕冰絃愁日暮瓦官閣下

黃花波嘯鳥聲聲帝奈何最笑倉皇辭廟日聽來猶有教坊歌君不見官家恨不作詞史金粉南朝悉如此

車中讀元曲漫題

十二珠簾不上鉤紅牙短拍試新喉文章曲似琴心轉宮譜傳將遂眼偷秋雨梧桐談院本春風楊柳唱伊州詞場從此多研調畢竟元人勝一籌

通明山

泰山何巍峨支尾直北走百里一起伏陰陽自分剖眾峰羅兒孫峻嶺試培塿茲山特權奇崛然拱嶽后踞形若置箕圓頂如覆瓿樹燥泉源微草豐土力厚蒼翠嵐色妍凸凹石骨醜當陽具二孔洞達左與右摩挲至正碑苔蘚蝕螭首

元泰安州達魯花赤脫脫殘碑在張夏真武廟前云山有二窟旭日東升則曦暉西耀殘月西墜則娥魄

東窺故有通明之稱所言山穴中光明絕昏黝墮月輝東流杲日景
西受行雲時出入飄風歷前後誰鑿混沌竅儻闕僊靈窟
爲想鴻濛初造出天地手徂徠及新甫平揖與之友虛中
乃生白秀外或非偶責實名必循妙理寓陵阜蕩蕩塵翳
空吾以師無垢

黑水洋看月

東發紫竹林南下黑水洋當其初放船海水皆渾黃沙淨
黃漸滅清徹若油碧綠極成青藍藍深轉爲黑水面往往
生雲煙風吹雲開月上弦仰觀素魄俯黑水水月長與船
盤旋水上指天天下水波濤疊疊星粲粲蠹氣噓翕蛟涎
腥景物中宵益荒詭波光映月月奪色明月到此不能白
晴霄闇澹入睡鄉輒浪千重限南北遠水愈黑天愈青驪

龍弄珠輝入溟雄奇不可言語形古來此景何人經江湖
既明瑟關山亦寒慄或照思婦樓儻邀酒人室圓靈賦後
有遺跡彼但清華此橫逸誰合元虛希逸筆四更未已搏
桑紅再上舵樓看日出

施大上舍溥游江夏奉題通雅堂詩鈔卽送之潛江
縣幕兼訊傳經書院諸肄業生

渾金璞玉尊彝貴斯品斯才獨有君健筆能扛百斛鼎清
談下視六朝人要從工部親傳道但覺空同許問津一別
三年又成集瀟湘靈瑟故粼粼

及余翦燭聯牀夜

時十兄編修甫來鄂州

重與論文把酒初補得笙

詩歌有獺

近集多省親蒲圻之作

傳來門客食無魚和戎時尙安邊

論富國誰求平準書此去沲潛儻相訪故人籠壁近何如

謂樊二同年繼余主
潛江講席皆有題詠

泮山雙柏行用少陵古柏行韻和金山吳教諭同年

履剛 山在郡庠之西北隅

昔來岱廟觀漢柏平臺屹對樽桑石威儀俠陞猶郎官意
氣去天將咫尺聖門端楷匹靈竒別院唐槐同慨惜飛來
一鳳毛羽青結就六龍甲鱗白昨來聽鼓東吳東館娃訪
古無梧宮舊聞北宋滄浪在勝地南園樹石空獨留雙柏
忘年歲幾歷三冬耐雪風大德不孤必有偶託身得所誰
爲功此材何待充梁棟泮山靈嶽等珍重葆我真賴表
章閱他人世成迎送要知錯節更盤根也視祥磨與威鳳
吁嗟乎吾鄉尙有向南枝太息精忠未酬用

鄧六訓導應南皮尙書師聘將之武昌內子製詩扇

送行爲寫楚山補空贈題

雪樣齊紈月樣圓
女嬃短語寫嬋媛
送君小別三千里
昔我浮家二十年
良馬素絲方藉甚
白雲黃鶴尙依然
渚宮山色描來熟
與證師門翰墨緣

乘興西行訪故人
開堂都講禮分賓
敢如嘉淑能酬唱
况復潘楊是世親
楚客相思煙浪闊
吳天已過石槐新
祇余削牘猶從事
未撲襤衫十斗塵

鍾體志字澤生射洪人同治丁卯舉人官新喻知縣有
澡雪堂詩鈔

過巫峽

萬里蠶叢事都歸
此浪淘大江形若束
兩壁勢爭高石腳
穿雲立山腰
結屋牢蕭森
今昔感長嘯
起飛濤

陳啟佑字子後號我珊武陵人同治丁卯舉人官彭澤知縣有耐冷山房詩存

詩話子後自岳州教授遷彭澤令曰昔淵明不爲五斗米折腰今彭澤猶如故也吾不可令湖山笑人遂不赴

登越王臺

西風吹短鬢獨上越王臺割據今已矣英雄安在哉笳聲邊宇急帆影海門開歌舞岡何處寒鴉日去來

度大庾嶺

千仞雄關矗秋風匹馬過天梯躡雲霧古寺鎖煙蘿相業高山仰勞人終古多願將萬梅樹補種徧巖阿

樂鄉次唐陳伯玉韻

駐馬尋遺跡愀然共遠征黃沙迷曠野白日暗荒城舊國

猿聲杳新村戍鼓平故園回首處煙樹萬鴉鳴

十二連橋

十二長虹碧漢通
鞭絲帽影惜匆匆
好風爲掃塵沙去
收拾湖光到眼中

一鏡平開映遠天
草苗青共麥苗妍
若非帆影來煙外
錯認沙湖作水田

柳絲斜挂碧粼粼
隄畔人家住兩三
竿立鷓鴣門曬網賣
魚風景似江南

蛙聲閣閣送輪躡
喜見新秧出水齊
十二紅欄都倚徧
此身疑在洞庭西

松滋道中

四圍山色裏
天氣半陰晴
野草有生意
幽禽多好聲
炊煙

茅屋接流水小橋平最喜民風古機絲軋軋鳴

界石

楚蜀交關處危崖一徑分灘聲疑作雨石氣宛成雲
溪市沽新酒山樓挂夕曛布帆煙外去猿嘯寂無聞

西郊散步

西風動山郭颯然秋氣深散步出郭門山光青上襟
蟬聲咽遠樹樵語歸平林黃雲捲四野箒車娛蒼黔
俯仰殊各得大哉天地心聞道五年前孤城邊騎臨
登陴不遑食干戈苦相尋我來幸無事絃誦有餘音
人償室家樂邊乏桴鼓侵藉此足高枕懷抱寬古今
林壑開圖畫曳杖恣行吟薄暮獨歸去墟煙蒼翠沈

張王熙字欣木秀水人同治丁卯舉人官太平教諭

岑港訪木城遺址

移家入海投山鄉城西迤邐山路長指顧忽下岑港嶺
礮震耳來何方我生纔得出水火一枝聊借開巾箱編零
簡斷亦何考詢諸土人知其詳云昔有明在中葉倭人來
寇窺海疆懸懸內瞰覬盤據兵法扼隘此其吭不難禦礮
沙土碎木城堅峙踰金湯城鄉首尾擊能應更有戈船相
翱翔山坳重疊亦天塹狡賊離披潛遁藏吁嗟禦寇似禦
水橫流一潰難隄防往事遷流二百載人士弔古空斜陽

江珍楹字靜軒號子平德清人同治丁卯舉人

游平山堂

金粉飄零盡我來邗上遲秋光閒引蝶新竹翠於眉風月
晴湖權文章太守祠五亭橋畔望心事敗荷知

嚴錦字雲客號公繡桐鄉人同治丁卯副貢有懶雲樓

詩鈔

詩話公繡少有文譽與弟迪周鏞及秀水趙楫孫鏞
嘉興徐金城鑾蘭史錦石蓮舫中玉齊名號五金一
玉

野步

雨止石漸乾木落野愈曠長風驅雲歸半天卷屏幃一徑
忽細紆步窘驟難放行行登高原了了見古壙斷碑無歲
年何時此卜葬慣聽樵斧聲久絕麥飯餉呼起冥漠君告
爾勿悽愴方今楚氛惡驅人入煙瘴骸骨萬里拋妻子終
歲望爾生當盛平不見亂離狀死獲黃土埋長眠幸無恙
巍巍南面王此樂亦不讓我詩非諛墓聊代鮑家唱歸途
聞怪嘯一鴟立樹上

歲暮

歲暮蕭條感索居尋詩懶跨雪橋驢醉封鄉外侯千戶窮
送門前鬼一車何日歸田平子賦幾行乞米魯公書春風
漸綠池塘草魂斷西堂夢醒初

憤思擊筑和荆卿悲欲投詩贈屈平淚滿一升難換酒喙
長三尺敢談兵負嶠虎問誰能搏赴壑蛇看不住行猶得
青青幾年鬢那堪愁裏聽笳聲

草堂

石罅新栽竹數竿草堂六月已生寒出簾香篆因風斷挂
壁琴絲得雨寬偶一課兒親筆硯豈真厭客懶衣冠時人
未識疏慵性誤作牆東避世看

錫珍字席卿蒙古旗人同治戊辰進士官至吏部尙書

詩話席卿豕宰師承簡勤勤襄二公之緒早年登第
數上遇清華游陟正卿年未強仕令甲一品大臣六十
以上得之壽有賜壽之典上方文綺世以爲榮師以
四十得之館長衛中稅費壽難兼不勝過門過墓之
年師遽捐館甲戌賜奠容爾容光緒辛巳頒詔朝鮮
感師於同治甲戌賜奠容爾容光緒辛巳頒詔朝鮮
乙酉讎獄臺灣皆有日記海陸遺征諮諏所及地形
夷險民氣慘舒尤三致意焉詩無專集今所錄者皆
采自日記中登高能賦倚
馮成章亦足見其大概矣

安州道上

路向安州落照時薰風習習拂旌旗輿中入夢人游倦陌
上飛花客到遲一水稻分高下隴滿山松茁短長枝劇憐
官道生幽草輭踏芒屨總不知

朝鮮貧弱時事棘矣慨然有作

營州踰海地東偏猶是箕封禮俗傳赫赫中天依日月茫
茫下土莫山川海潮終古無消長人事於今有變遷漫說

通商爲受命他時涕出更誰憐

納清亭

一灣通略約遂至納清亭長路憐幽草崇巖下曉星漁榔
前浦歇樵斧遠山停誰詠高軒過將爲駐馬聽西風秋瑟
瑟白雨蒼冥冥又是新安道羣峯不斷青

鳳凰邊門

邊門以外地數百里之遙榛莽誰從闢荏苒不見招算緡
緣木稅詰慝到山樵晉有桃源樂秦收陸海饒未堪將客
逐安得作荒燒據國爭非觸臨邊俗異要吳沙賦可受澤
瓦首先梟曠土成都邑流氓有暮朝不游町瞳鹿應革泮
林鴟智慧乘時出功名與世標再能加富教便可入風謠
除是皇華使誰停問俗輶

通遠堡

幽居林壑小款客暮天青乍捲雲千葉仍飄雨數星野蟲
鳴蟋蟀山果熟楊楸苦說盤飧少相邀醉綠醪

遼陽城

憶從東國經行處千里王程盡鬣江疆域雖殊風景似萬
山不斷到遼陽

游醫巫閭

黃月東升黃日落秋郊曠朗風蕭索薄暮游蹤取路歸猶
將迴馬瞻雲壑雲壑萬重游不成石棚穴漏泉流聲曠觀
亭已埋幽草轉見千秋萬古情

寶應舟中

海上歸槎迴淮南返櫂輕湖菱添客饌隄柳入詩情興廢

徒懷古關河正洗兵翻悲身歷碌終是絆浮名

曉至山陽

一夜扁舟霜滿篷
權歌聲在月明中
渡頭寒鳥噤無語
踏折枯枝逐曉風

宗室寶廷字竹坡鄭獻親王濟爾哈朗八世孫同治戊

辰進士官至禮部侍郎有偶齋詩草

詩話竹坡爲司業及講官時屢以言事負直聲性好吟詠多豪宕語其題焦山文文山墨蹟云文山歌正氣千秋仰忠烈聞其未相時頗不拘小節始知多情
人乃能有熱血遺蹟留名山墨蹟永不滅是詩不啻自爲寫照其後卒以典試福建差接過浙買船妓爲妾上疏自劾吏議罷職數經論薦終未開復竹坡本
然自放論者惜之

雜詩

無名何必求有名何必避有名與無名皆我身外事天地

生我身與眾原無二悠悠流俗中何勞自矜異今朝有酒
錢正可謀一醉醉後欲題詩迷離不成字

六月二日作

孤憤填胸怒不禁一陽安得退羣陰有懷報國知何日無
力回天贖此心草欲當風慚弱質葵思向日抱愚忱舉頭
闖闖高千丈路絕丹梯迴莫尋

九日偕鏡寰公玉少甫稚甫大兒二兒飲八里莊酒
家醉後登摩訶菴東南石樓題壁

大海西風烽火收佳辰與客上僧樓殘年屈指猶餘幾行
樂無時况覓愁

偶成

解憂堪貰酒況復對黃花官罷人同惜家貧我自嗟夕烽

南海火古戍北庭笳何日銷兵氣吾生幸有涯

岱頂題壁

獨立衆山頂乾坤一望收九州皆在眼四嶽盡低頭日月
窗前湧雲霞檻外浮何時重策杖巖壑徧登游

金沙道中

驛路迴旋彎復彎崎嶇不憚屢登攀雲拖雨氣橫過嶺風
捲灘聲倒上山畫意詩情隨處見鄉愁旅恨暫時刪千重
峻阪前途阻何日仙霞返故關

瓜州夜泊

野曠煙昏月未升波心夜泊旅愁增荒洲戍近先聞鼓遠
浦舟來但見燈拍岸風濤流滾滾隔隄雲樹望層層唐家
舊鎮今何在翹首江天歎廢興

石門舟中卽景

風翻輕浪碧悠悠兩岸桑林送客舟莫訝此間風景異水光山色近杭州

許景澄原名癸身字竹筠嘉興人同治戊辰進士改庶吉士授編修官至吏部侍郎諡文肅有許文肅公遺

詩

詩話庚子之亂文肅與袁忠節以直言撥禍事定乃蒙昭雪文肅少時以制藝名入詞館後精治偶體文宋斐然出使歐洲究心船制著外國師船表十二卷嘗習法文未及一年能作書札蓋其思深志銳博涉多通有非常人所可及者作詩不多其鄉人輯成一卷詰光片羽固自可珍

和子裳中秋作

小園松竹盡環圍水檻煙明撤燭輝對月幾人猶綠鬢入秋易怨是瑤徽路窮星漢家何處書滯長安雁亦稀畢竟

一年今夕好遣愁莫負羽觴飛

賦贈梁星海鼎芬

如錦花開滿洛陽獨迴松格傲繁霜茂陵壁立秋無恙玉
宇高寒夢未忘渡海題詩珊瑚樹麗登樓汎酒荔支香名山
青鬢誠難得坐看浮雲起滅忙

七夕奉懷洪文卿閣學

滿地橫流仗一壺宵分看劍憶風胡三年泥雪曾如夢萬
里星河想不殊規國屢詢回紇馬籌邊待獻月支圖靈槎
西望多佳氣慚愧飄零到柳蒲

直北星躔變旦昏鋒車自此罄黃坤日南烽火憂時淚江
表絃歌待土恩早識禁中需頗牧暫令域外料曹孫廟堂
駕馭增新政好待歸朝借箸論

癸酉冬君履
上疏論越事

題畫

一徑坡陀裏山行已早秋亂峯迴落日瘦馬倦長郵漁渡
楓林暗人家柳樹稠休文饒古致展卷思悠悠

東袁硯秋同年時初授蕪湖關道

十年臺妙最知名今日欣看直指行天下軍輸緝算重大

江鎖鑰雅歌清徒戎深念煩江統諭蜀風流羨馬卿君僕館在

皖風客緘取相思馳萬里漢家帛雁正南征

聯元字仙蕪滿州旗人同治戊辰進士改庶吉士授檢

討歷官內閣學士諡文直

袁爽秋曰仙蕪太守衛齋清寂宛如僧舍案無滯牘

餘事作詩草窗藥樹時手一卷枯坐其中日課臨寫

廟堂碑半本贈之詩云妙跡虞戈新葉八冰銜劉井

萬藏山又云生近醉吟居士日詩傳山谷道人衣

詩話文直官皖十餘年卓著聲績任按察時有李嘯

慶者冒英國籍爲不法怒繫之英領事電公使要脅

政府乃疏請入朝陳狀詔改三品京堂入譯署庚子
拳亂作以非罪死事定昭雪子諡建嗣平生清節遺
著病羸僅存與袁忠節酬
唱一詩附見于湖小集

大觀亭和袁重黎韻

危亭鶴俯啄奇石獸仰搏林衣青纈紛山果丹璫錯窪疑
仰叵羅凸儼彎繁弱張之嵇生琴韻以洞庭樂佳客賞心
同主人嫌酒薄湛醪乞芳鄰轟飲吸巨壑清濁一中之賢
聖欣所託哦如堅金撞契比裝鐵躍浮瀾聳層觀勝寄標
夙約未覺秋爲氣浮雲掃蕭索時乎多憂虞興到足斟酌
青鵠瞰樓船白蜃論祕鑰海圖開曲紆善策戒膚廓東伐
思前籌北供偉廟略師以後直強弈貴先幾著雄藩規朱
蒙銘勒靖松漠方將封云亭毋爲安蠃螻

何如璋字子栽大埔人同治戊辰進士改庶吉士授編

修厯官詹事有袖海樓詩草

詩話子幾詩草皆出使日本時所作當時風氣得中國使臣翰墨珍如球璧詩格雖不高存之足爲採風助之一

贈源桂閣故侯

輕盈舞袖縮雙鬢洗盞殷勤勸小蠻含恨低翻舊時曲一聲聲是念家山

留髡送客日初斜相約春游興又賒記取清明好時節墨川東岸看櫻花

賓筵酒饌翻新樣樂府笙歌倚舊聲沿習太平唐代舞諸伶白首說西京

潘衍桐字奉庭號嶧琴南海人同治戊辰進士改庶吉士授編修厯官侍讀學士

詩話釋琴在詞館屢上章言時事如開藝學練鄉兵
諸疏皆關大計督學兩浙以表章文獻揚抗風雅爲
職志葺方正學全謝山祠補文欄閣藏書修阮文達
故事續輯兩浙輶軒錄就官廨西園築緝雅堂按試
還於此編校復搜纂金石文字未及成書
任滿旋乞歸士人爲設社西湖尸祝之

雨中過峽石驛

驅馬度重關
殺函隱約間
鐘鳴知寺近
雲翳欲無山
險路頻年熟
勞生幾日閒
杏花開幾樹
倩汝照酡顏

西園雜詠

一橋納羣影
影百不可摹
儀徵文筆佳
有記如繪圖
尋之路三折
究與虹腰殊
夜半荷花開
清香襟袖俱

影橋

一徑入寒雲
萬竹晝深碧
紅英尙遲吐
照此春月白
幽林不逢人
癩鶴有行跡
半瓊綠茶香
無言對涼夕

寒綠徑

劉廷枚字叔濤吳縣人同治戊辰進士改庶吉士授編

修厯官祭酒有慊齋詩鈔

丁丑人日張幼樵侍講

佩綸

健齋太史

人駿

朱硯生

侍御

以增

汪柳門司業

鳴鑿

顧俾民水部

聲熙

許

鶴巢

麋颺

曹紫荃

毓英

兩舍人集於歸硯山房卽

席次柳門韻

盍簪幾輩喜相隨
椒酒春開酌玉卮
交淡祇應來舊雨
官閒不禁賦新詩
東坡合共神仙望
南閣咸深景仰思
除卻二三同志外
草堂韻事有誰知

鮑存曉字寅初會稽人同治戊辰進士改庶吉士授編修有鮑太史詩集

獨酌

一碧了無際銜樽起浩歌
悲笳聞賊壘遠道阻天戈
滿目

魚游釜全家雀在羅秋風吹不已日暮渺山河
世變已如此天心胡可知秋來愁裏路劫滿局中棋家散
身逾重時窮道不疑是誰能解事相與盡寒卮

洪良品字右臣黃岡人同治戊辰進士改庶吉士授編
修歷官戶科給事中有龍岡山人詩鈔

赤壁于清端公祠

獨拜荒祠繞薜蘿堂堂遺貌壯山河清名白日雷霆動故
老青天涕淚多千載招魂悲宋玉一龕香火伴東坡雪堂
夜靜虛明月風馬雲旗縹緲過

楚懷王墓

沱水彎環鬻墓門嶢關歸魄夕陽昏當年已雪商於恨三
戶亡秦尙有孫

庾臺

昔書枯樹賦如見庾蘭成故宅空文藻荒洲繞縣城遠煙
三澁晚殘雪五溪明蕭瑟登臺意悲風日暮生

荆南講院晤王子壽先生

先生壯歲謝簪纓歸卧滄浪白髮生自謂羲皇陶靖節許
身稷契杜文貞渚宮花老唳鶯盡夢澤雲荒斷雁征愧我
周南久留滯巴山夜雨夢春明

魏迺勳字吟舫德州人同治戊辰進士歷官江南道監
察御史有延壽齋遺藁

露筋祠

碧湖雲樹噪棲鴉古瓦籠煙草徑斜一片秋帆殘照裏野
風吹折女郎花

陳將軍歌

將軍面白如書生十五二十能將兵殺盡青徐賊百萬河
北草木知姓名財帛婦女無所喜縱橫雄辯富文理下馬
輒乘書畫船昂藏走入揚州市揚州繁華天下無豪門藏
垢多貪汙灌夫生平慣使氣麾斥大滑如庸奴庸奴恃勢
公行賂良懦含冤莫能訴身餘一劍報不平坐持短長得
遠戍遠戍乃至黑龍江獲譴不爲蕙苒囊鐵衣摧殘壯士
死英魂猶得守邊方邊方帥府鎮沙漠羊羔飲罷無所作
馬革棄置不上聞逾歲泉臺尙寂寞寂寞誰憐鞞鼓臣有
眞御史爲乞恩吾鄉薦紳思舊伐合詞籲請動至尊得旨
建祠祀將軍吁嗟乎將軍有功於齊魯神之靈兮在東土
東人祀君君不吐衞青去病何足數李廣不侯已千古

齊孝孫占魁墜塔歌

百尺塔七尺身廣川得孝女涿鹿見孝孫孝女出華胄孝
孫爲細民民何知有至性一言能愈祖母病民何能有卓
行一死能代祖母命浮圖對峙督亢城上有烏鳥腸斷聲
濡血下染土花紫孝孫萬劫猶長生吁嗟乎儒家侈口談
倫理全而歸者常言耳我方據案講孝經廢書一歎淚如
水

蔡以瑞字季珪蕭山人同治戊辰進士改庶吉士授刑
部主事

月夜

一徑入昏靄渺然吟思生樓臺團遠霧鐙火閃層城古月
發新趣幽棕落世情徘徊戀情話窗外斗參橫

陶模字方之一字子方秀水人同治戊辰進士改庶吉

士官至兩廣總督贈太子少保諡勤肅

詩語勤肅自庶常出宰文縣山城樸堡懃懃撫字循
聲大起幾如于清端之在羅城遂自牧守游涉封圻
行政持大體澤及於民所上封奏多切中時弊尤爲
世傳誦家王江涇爲古射襄城里人楊利叔孝廉象
濟嘗就僧舍築室結詩社沈文忠爲題勝曰蘆雨盦
戴文節書聯曰可以遠眺望宛在水中央勤肅屢嘗
過從吟詠入官後
蓋不復作詩云

咸豐丁巳六月蘆雨盦觀荷至者十九人用古詩十

九首韻得客從遠方來

濯足弄漣漪臨流清且綺水鄉苦少山一髮青爾爾蘆葦
聲蕭蕭聽雨合蒙被入山何用深巢許或不解坐中幾詩
老一杯應惜此

戊午六月從沈南一陳子松兩先生及張倬雲沈譜

笙諸君觀荷蘆雨盃歡飲至月上始罷用少陵丈
八溝詩分韻得放字客字

臨水結茅菴位置自清曠芙蓉若親人灼灼窗前放布席
面澄波遙峰淡相向酒酣一散步煙際聞漁唱

對酒溯前游轉瞬一年隔少壯不自勵歲月眞虛擲安得
二子裹飯挾書策煙蘿相與娛勝作風塵客

壽生寺晚步

縱目青冥外飄然興獨賒夕陽明遠水暝色在寒鴉溪抱
僧居小林藏細路斜鬢絲無限意重爲惜年華

吳大徵字清卿號恆軒又號窻齋吳縣人同治戊辰進
士改庶吉士授編修官至湖南巡撫有窻齋集

詩話窻齋夙喜譚兵而實非所長甲午之役爲世詬
病獨於金石書畫致力頗深尤工篆書一時推獨步

李越縵送其視學秦隴詩云當代論金石潘陳古癯
推翰林維繼起吾子擅情才餘藝謙圖繪高齋足鼎
鼎讀書期有用都趙等與臺百二秦關啟山河接隴
涼至尊方側席大帥已平羌慨登車始文章致治
長此刑多古蹟
餘事及繼細

正月二十八日甯鄉益陽道中作

和煦天光雜嫩寒陰晴不定計程難土膏滋潤泉迴抱山
脈縱橫氣鬱蟠萬戶煙稠村路滑一犁雨足水田寬老農
不識繡衣使笑指鳴騶是大官

二月朔日益陽道中遇雨作

細雨濛濛瀉綠渠時逢野老擔園蔬萬竿修竹蕭疏影半
塢長松僻靜居茶市將忙初試翦秧田未種尙懸鋤箇中
別有王維畫一樹梅花一草蘆

二月二日龍陽道中作

山村如畫裏小市兩三家幾擔白蓮藕一籬黃菜花草露
旗角溼柳拂帽簷斜津吏逢迎熟行人靜不譁

袁思韜字錫臣貴陽人同治己巳補行己未辛酉壬戌

三科舉人官內閣中書廣西候補知府

詩話錫臣善書能畫官京朝久余曩與過從甚密嗣改官粵西遂不相聞遺什僅存昔游如夢亦可傷已

過江南

溟濛煙霧鎖沈潭翠帳笙歌夜宴酣誰識水雲空闊裏滿
船明月過江南

鐵鎖沈江事可哀夕陽紅到舊樓臺鶯花鎖盡無人跡惟
有春潮自去來

施補華字均父烏程人同治庚午舉人官山東補用道
有澤雅堂集

詩話均父起自孤露刻苦就學通敏識時務佐左文
襄張勤果二公幕多所毗贊詩閎偉沈摯有句云好
憶高堂淚臨行滴汝衣黃金富天下難買是春暉又
云客行無遠近門外卽天涯皆自至性流出或議其
學杜蔣科曰此言正未易當也

飛來峯

誰將萬柄青夫容橫空倒插成此峯性情自出依傍外氣
勢尙在迴翔中孤根一削不盈尺危乎殆矣逾玲瓏旁有
巨穴幽且怪以火來照天光通苔紋迸裂石乳膩蝙蝠側
翅驚盤空松杉千尺覆其上長根亂走如蛟龍野亭一角
就平衍山光下射青濛濛羣流趨澗眾響激魂魄淒慄天
無風冷泉判事有蘇老風流照耀誰能同我來但得遂佳
賞歸將眼福誇鄰翁問爾幾年辭印度飛來儻有神靈護
冥冥雷雨滿秋山萬石騰空待飛去

有作

士女春游尙滿山馬蹏潛度獨松關黑雲驚壓高城上白
刃旋飛大道間踴躍貔貅千隊入淒涼門巷幾人還湖隄
花樹垂垂發照眼渾疑戰血殷

蕭大夫馬歌

道銜候補知府蕭公瀚慶湖南某縣人庚申四月奉檄援湖戰歿于長興之虹

星橋遺所乘馬悲鳴不食部卒皆不受騎施子見之作是詩也

駑駘踞蹏滿天下執策而臨歎無馬誰知世有蕭大夫獨
得名駒色丹赭大夫起家軍旅中十年戰伐多奇功常騎
此馬入陣鬪四蹏風舉行如空大夫忠勇萬人敵此馬肝
膽能與同陟深歷險屢轉戰巧隨人意爲西東歸來愛馬
如愛子親飼芻豆雜馬僮刀瘡箭孔手摩撫騰槽意若相
感通今年大夫死殉國此馬悲鳴慘不食雄姿猛氣頓銷

沈拳毛脫落無顏色願爲鬼馬馳鬼雄風雨陰森從擊賊
部下健兒不敢騎茗上詞人早相識方瞳峻耳形未殊日
日來看淚霑臆嗚呼人頭畜鳴今更多懷恩感義汝則那
少陵無人曹霸死寂寞丹青奈汝何

送戴子高

一自凌生去交游汝獨親如何爭戰日又作別離人把酒
檐花落停舟浦草春眼中朋舊少行矣淚霑巾
好憶高堂淚臨行滴汝衣黃金富天下難買是春暉雁斷
誰將信烏飛失所依白雲時一望應勝寄當歸

雙林逢姚子展

延緣聊作葦間行密友初聞喜更驚亂後重逢疑隔世愁
中過慰勝同生風塵面目恆飢色患難文章變徵聲執手

歛歔仍自笑胸中五嶽幾時平

賸水殘山孰主持吞聲躑躅淚如絲真成杜老無家別聊
和陶公乞食詩萬戶蟲沙悲故國三年薪膽在今時櫬槍
痛掃非無日投筆功名與爾期

嚴氏家廟松歌爲秋樵文作

方練奇節天下崇何人爲表嚴司空五百年來事隱約依
然祠廟菰城東行人下馬動憑弔輪囷手撫當門松白晝
時聞飛霹靂空堂宛欲騰蛟龍摧頽老幹出生氣盤屈孤
根迴曲衷勁質何辭霜雪烈精靈或與風雲通何來史氏
致身錄肆口誣鱗言非公宮中老佛旣烏有翠華安得中
途逢晚死差爲十族許耿耿何愧諸公忠摩挲獨歎後凋
節慘淡如見孤臣容南枝蒼蒼鄂王墓黛色鬱鬱丞相宮

愛惜亦期人勿伐蕭條卻恨時難同飄然時危一老翁不
忘祖德干戈中手攜畫卷命題句忠魂勁節相交融危時
永憶棟梁器大材不藉丹青功森然寒氣入詩骨筆端謾
謾來長風

端午日同嚴秋樵勞巽卿袁孝宰南觀飲酒

鱗魚出水菖蒲長松陵江上逢端陽龍舟競渡事蕭瑟廉
纖細雨僧堂涼王瓜檣李那得致白芷自裊鑪中香尙思
佳節會良友荒廚炙酒開蒲觴嚴翁五十飽識字鬢邊白
髮垂秋霜巽卿清疏孝宰靜坐中二妙誰能當其餘數子
各媿雅議論足令吾軍張皇天似爲慰羈旅此會難得非
尋常梅風拂檻助森爽梔花蕉葉交芬芳須臾酒罷客亦
起負手來往循長廊默思稚齒過此日榴花濃壓東家牆

中山進士鬚似戟，嬋娟小妹凝紅妝。紛紛鬼妾與鬼馬，雜
逖左右相扶將。堂中懸挂好畫手，抱看驚汗流如漿。西鄰
姊似鬪心巧，停鍼不繡雙鴛鴦。蒲人艾虎手自縛，爲我插
鬢驅災祥。枇杷纍纍比金彈，楊梅細核誇先嘗。二十年來
訝飄忽，感時觸事空自傷。兒童光景足摸擬，閉目往往游
其鄉。洗盞更酌不堪說，恐令四座霑衣裳。

慈仁寺謁顧亭林先生祠

蔓草枯楊斷客魂，燭來煙寺閱朝昏。雲霄不傍諸甥貴，涕
淚難忘老母言。短鬢蕭疏臨易水，長歌慷慨賦夷門。山頭
棠樹花爭發，杜宇聲聲萬古冤。

地老天荒萬事非，徵書迢遞此心違。遠游關塞身將老，何
處山陵淚獨揮。著作必傳羞待訪，鄉園雖好忍思歸。雙松

謾謾經行處惟有祠堂傍夕暉

憶家

客行無遠近門外卽天涯落木秋將老寒鐙夜自花霜清
蟲負戶風急雁唳沙敲枕山樓靜沈沈獨憶家

去歲

去歲逢茲夕沂州聽雨風五更千里外一我萬愁中僕散
囊錢盡驢鳴棧豆空今年安喫飯不怨校書窮

將歸留別蕭穆敬甫

枕上潮來萬馬聲寒鐙孤館夢魂驚天空鴻雁傳歸信歲
晏妻孥憶遠行此會偶然同逆旅相親何意若平生明年
待爾孤山側千樹梅花一笑迎

趙銘字新又號桐孫秀水人同治庚午舉人官直隸補

用道有琴鶴山房遺稟

詩話桐孫精研經史兼擅詞章曾入李文忠幕府有文字之契迭典州郡所至有聲生平著述遯庚子兵亂遂多散佚嘗撰左傳質疑李蕝客侍御爲序黃子壽方伯書後皆深相推許今亦不見傳本說經家甚憮之

雜詩

雨露滋萬卉枯菱轉蘇融心苗一寸槁生死天無功何以資灌溉古人書叢叢開卷若有得靈芽逗春風化機偶長養結撰天葩紅柰何忍就菱委折如秋蓬

萬物隨波盪金石止不流奇文中有骨恥與世沈浮精意渺六合真氣橫九州斂之行墨間融結爲琳鏐君看周秦製厯劫乃常留士無不朽志安用文章求

庚桑處畏壘武陵逢桃源叩其所以然十九皆寓言豈知

胸次曠豁然見吾天達人所投足自成一山川無心遠塵
累有情生世緣濁流膠擾中何必有神仙

韜光同玉珊作

鷲峰炫天奇茲寺靜自匿萬竹闌俗駕一蓮峙仙葭曲折
行百盤精藍窈未覲雲光自離合泉語互喧寂俯視腳底
寒芬陀雨四滴梯霞到絕頂古壇枕巉壁瑤空下青鸞招
之適無笛浩蕩見無垠清嘯未敢砉茫茫海如杯磊磊星
可摘忽悟斯境高本自前山歷從來妙理封紆境須冥覓
矯首吟天風蒼莽意何極

李純客同年用山谷以雙井茶寄子瞻詩韻疊寄三

一首依韻奉答

我鄉詩老數朱李梅里並時徵鶴書看君用意直相仿

時與

朱桂嶺太史疊山谷詩韻唱和光燄欲奪明堂珠春明雅集洵可圖漁蓑

宮錦恣所如何必挂帆始言隱身在魏闕心江湖

陶侯絕學繼越縵藹客自號越縵山人陶子縵太史其高弟也廿年手讐校長

書鞭心入微恣幽討冥若絕海探驪珠爲文傷命古有諸

豈徒茂陵病相如紅蟬已化素編在仙魂飛渡來鏡湖

吾衰屢嬰子桑疾老去欲焚王壽書袖中往往得詩簡美

人睡起新弄珠丁香花發春滿除海棠嬌豔雛鬟如遲君

不來苦相憶何日載酒尋杯湖

閒居

新營小築十年餘
几湘簾得靜居
祕閣評花皆史例
草堂話夢亦仙書
避人柳下偏宜鍛
疊石梅根未許鋤
長日閑門無一事
自開繡帙曝蟬魚

幾日西風瘦不勝晚涼池館露如冰磁缸清許紅菱養藥
鈿深宜白木蒸難得秋帘猶有蝶可能暑簟竟無蠅掩闥
好遣維摩疾落葉聲中一點鐙

魏塘舟中

月落潮回迫五更魏塘孤櫂汎煙橫篷邊霜色欺衾冷船
尾鐙光透隙明遠留星沈天在水殘蘆風折雁無聲江湖
滋味親嘗慣青鬢蕭然百感生

五庫

落梅風裏峭帆停繫纜斜陽綠水汀哀雁語從中澤訴亂
蛙聲帶斷潮聽疏煙起岸浮芒屨涼月窺人倒瓦瓶卻憶
年時曾宿客萍蓬兩地各飄零

陶在銘字仲彝會稽人同治庚午舉人官江西候補道

詩話仲彝久宰銅山創設通藝學社以實學課士風氣一變後移高信修詩人邢孟貞墓其風雅好事類如此樊樊山贈以詩云賄酒曾傳卷白波伊州揭調尚能歌心輕天下英雄少恨比當年罷耗多袁甫精明猶劇縣王郎感懺敘臨河回頭

三十三年夢老屋城南欠補蘿
壬辰仲春檄調上元留別高澗士民

粗官濫吹易三年回首春風入境天芳草一畦黃犢雨晴
波千頃白鷗煙清時桴鼓聲都歇野老衣冠望若仙不信
南朝金粉地桑麻雞犬獨翛然

王鵬運字佑遐號半唐又號鷺翁臨桂人同治庚午舉

人官吏科給事中

詩話半唐懷才負奇數抗疏論事為時所忌庚子後
佳冠浪游及於江南詞為同光來一大家主持壇坫
時推祭酒集校宋元人詞為四印齋叢刻後朱彊邨
侍郎繼之廣搜罕見之本至數十家吳伯宛舍人復
專影刊名藪精鈔大開風氣皆由半唐倡之
也詩無專集偶存吉光片羽光氣自不可掩

辛未禮闈後張孝達制軍與潘文勤公大會名士於
龍樹院治觴選客手札七通夏閨枝編修裝冊徵
題

槐龍突兀老秋霜猶護當時選佛場二十七年談舊事依
稀墨瀋姓名香

月旦偏從下第新尙書冰鑑重人倫牛心未啖周郎炙慙
負平生毳毳身

材用由來爲世儲諸賢遭際定何如可憐憔悴風塵底付
與荊州數鯽魚

益都清讌徒佳話吳縣風流賸斷箋極目煙塵壇坫冷朱
門槐柳自森然

顏嗣徽字義宣貴筑人同治庚午舉人歷官鎮安知府

有望眉草堂詩集

秋晚登黔靈山

岱宗七十二家封不到南天別有峯半壁煙蘿嵌古碣一
林霜葉鏤寒鐘山環玉鞞回奔馬瀑倒銀河啟蟄龍試展
胸懷發清嘯虛聲時度最高松

楊恩壽字鶴儔號蓬海長沙人同治庚午舉人湖北候
補知府有坦園詩錄

過昭平峽

桂林之高高接天奔湍直瀉無盤旋一氣貫注四百里小
舟跼跼如飛鷲行過昭平勢漸狹山形屈曲同巫峽一綫
瀉飛萬丈高洪流竟被青山脅初猶偃僂循山根漸進豁
朗開重門雷霆風雨一時作白日遁匿天爲昏篙師使篙

如使筆大敵當前神暇逸事惟扼要始爭奇須知鬪巧不
鬪力大石聳立凌船頭猙獰怒欲求攬舟從容一篙撥之
走水懦何敢須臾留出峽回頭望峽口波聲終古成狂吼
頑雲下垂腥風麤峽門開閉癡龍守

呈吳南屏孝廉丈並題東游草用集中湘鄉侯相奉
贈原韻

寒雲逗日風簾篴髡枝敗葉霜華摧洞庭渺渺布帆發巴
陵詩老飄然來大雅未墜耆宿健宛游經市依黃槐我生
後公三十載盛名在耳春霆歷平湖八百阻衣帶艱難良
飄成違乖太歲在戊月建卯燒痕綻綠蘇寒灰張子招邀
作禊飲祓除失喜無煩災維時撰杖荷矜寵奮身恍惚登
蓬萊零章斷句今尙記紙鷲風裏喧嬰孩我嗜公詩信頗

駑飽吮餘味如貪豺深杯款款酒未冷湖山有主懷歸哉
隙駒迅走鴻雁杳起居安否時疑猜歲星一周手再握靈
光魯殿何曾墮太息仲蔚今已逝門蒿蕭瑟含餘哀脫手
清涼示傳稟皎皎慧鏡開塵霾不嗟詩事苦晦塞大光明
放何皚皚吳越旣平盛文物定知側席爭傳杯讀詩漏盡
忽興起源頭一綫靈湫開寒嘶抱槁等自檜正聲雅頌原
周邵

春感

幾日東風儘放顛闌干如水夕陽天桃花紅雨梨花雪春
到人間便可憐

謝郭筠仙侍郎問疾

重簾渺天涯沈疴失嘉會空齋邈無傳蕭然形影對言念

素心人甚至形夢寐枉公高軒來躍起爲擁篲慰我久病
軀反覆極寬譬如讀工部詩瘡鬼悉驚避豪談鼓頽唐雋
語饒詩味對此松柏姿益增蒲柳愧交親及兩代高誼邁
流輩幾日離藥鑪閒游逐鷗隊首夏餘薄寒當花謀一醉
柳商賢字質卿吳縣人同治庚午舉人官甯海知縣有

蘧盦詩鈔

擬元次山春陵行

徵求日以繁逋欠日以積斯民喪亂餘哀哉生計拙大戶
盡逃亡小戶遺單子可憐墟里間往往炊煙絕去年又歉
收畝穀不盈石盡室一飽難愁腸蘊百結刺史職撫字何
以安兀跪流離尙未定官符下稠疊國用有常經敢不勤
督責頻年普蠲減朝令非甚迫奈何期會踰罪譴懍莫釋

起視鴻雁嗷哀哀滿中澤田園非所靳兒女非所惜獨恨
受者誰相與增哽咽百死餘一生那忍更摧折朝廷鞭撲
具豈爲窮黎設況復室懸磬鞭撲亦何益憶昔奉簡書此
邦移節鉞帝曰咨汝才努力務存活聖人重愛民敢惜一
官擲私願寬法令起死而肉骨庶幾流亡歸稍稍復征額
民窮盜賊源誰其鑿覆轍流涕爲此詩輶軒尙采擇

慈仁寺

慈仁寺裏雙古松霜皮鐵幹蟠半空枝柯紛糝宛成蓋盛
夏凜烈生長風我來衝暑憩松下鳴濤謾謾驕陽中禪堂
深窅梵誦歇一聲兩聲花外鐘闕殿載瞻般若像巧製不
與尋常同莊嚴瓔珞肉相好僧言窈窕非人工更有佛畫
惜未見蛛絲煙炷塵人封虛廊窈窕暮煙合西山一點青

濛濛吾鄉亦有佳山水
竭來蹤跡慚飄蓬
素衣盡緇面目
槁不如歸去聊從容
林屋幽邃甲天下
芒屨一雙支孤筇
銀牀石室許相訪
窮探或與靈威逢

徐鑿字金坡嘉興人同治庚午舉人官黃陂知縣

戚砥齋先生檢書圖

丈夫生不能校書天祿閣
枯坐一甕徒碌碌
蠅鑽蠹蝕自年年
硯墨磨人放聲哭
砥齋先生世守經
楹書手澤都能讀
撐腸錦繡五千篇
壓架琳琅三萬軸
百城坐擁亦足豪
況此便便不負腹
飢來驅之出門走
疲驟偃蹇行馳逐
從此婀娜繫夢思
校讐手自編書目
遺經自古勝籛金
差幸硯田歲不惡
吾友塵仙善繼志
經史如瓶翻水熟
一門師友證淵源
兩美豐凶擅穀玉
相見殫精下董幃
伊喔書聲

出老屋無端鼙鼓動地來燎原一炬誰能撲盡付昆池劫
後灰嬴政焚時無此酷噫吁噫凡物有聚必有散自古盛
衰如轉轂祇今留得畫圖看猶見當年富儲蓄披圖展視
重吁嗟有書能讀甯非福我亦年年事遠游長劍在裝筆
在橐案頭冊籍久飄零斷簡叢殘鼠生篋悔不編成幾卷
書惟對此圖長跼足

許印芳字麟篆石屏人同治庚午舉人官永善教諭有

五塘詩草

詩話王益吾祭酒典雲南試得麟篆文大喜以爲必
佳土榜發挾詩謁王王贈以詩首云一笑得山谷自
慚非老坡末云平生期許意豈獨在藝科其相賞如
此麟篆當咸同間所作感時傷亂諸篇識者以爲不
減老杜夔州後作嘗以滇自丙辰亂後文集凋殘
乃輯道光至光緒間諸人篇什爲重光集付梓
九月晦日逢蘇崑圃

蒼涼風雨催秋去黯淡江山送客來縱酒追爲重九會望
鄉莫上最高臺十觴茗芋歌鐘闕千里蕭條戰鼓哀南木
溪頭氛祲滿故園黃菊爲誰開

游燕子洞放歌

馬蹏踏碎岡巒影路轉冥然墮晉井斗如刺船滄海東湖
滂哥磴聞驚風茫茫萬古不計愁多少洪濤汨沒悲英雄
入門方擬窮奧祕物感情遷欲反轡彳亍中輟望流川始
見瀘江瀉澎瀛瀘江出巴甸發源異龍湖盤江經阿甯引
洩爲尾閭此間山界劃兩州瀘水西來湍瀨道石巖甕肚
穿竇窄潛演汨漚安陽侯連嶂疊嶂互攢倚寂寥長浮二
十里鵲鷗高壘當極衝截江斷道愁龍公大蛟縈天作牛
吼狂飈吹沙石亂走五雷奮椎入水鑿山脈壑谷旣通神

怪是宅上有巨蟒吞象積骨成荒邱南海大士編木爲窠
坐其頭下有魔子魔女喙波噴沫戲靈府三十二將學化
身倒垂百萬億降魔杵影壁之面窳隆詭戾難爲言但
見伏羲鱗身女媧蛇軀揚鬢矯首而上奔兔窟之曲渴飲
露赤虹圓暈成橋跨穹窿橋上玉樹連蜷偃蹇疑是月中
桂橋下金庭蕭條清冷疑是廣寒宮瓊樓玉宇不見霓裳
羽衣舞中秋之夕不見軒轅老作東道主飄飄忽忽往來
齊駕飛雲車卻見烏君陪燕女背飛向嗚爲一家造物造
此亦太弄狡獪烏衣國別開世界遂令奇境傳滇南慈利
縣石無人探我思築室深巖裏避兵願從猗玗子但恐陰
壑多毒霧夔魑虺蝥更蟠踞人間信有桃源路雞犬桑麻
在何處惟看黑浪奔騰向東去

山夜

月照西山山氣深
滿山松柏陰森森
湖光百里蹴山起
山中明月浸湖水
游人不寐登山樓
落葉哀蟬鳴素秋
一夜霜風吹白草
高堂白髮知多少

灑灑堆

三足立千尺
一身通萬竅
沃焦海堅強
底柱河竦峭
鼎鎮龍伏毒
城鑿水斂暴
流分折合勁
行曲平直躁
狂瀾江心抵
浮航峽口導
篙嵌撐審固舵
準捩執要乘波
趁奔騰捐瀆
避攻剽冬喜鯨
牙拔夏枕虎尾
蹈獎功歸神明
懲罪示形貌
大瀕牛馬危
小受龜鼈弔
庾公禱或靈
蘇子賦惟妙
飛仙挾游敖
磐石坐垂釣

二言詩送王聖鐵入楚

秋鴻毛豐長空順風行旅得所沉渚湘浦洞庭月明彈箏
吹笙龍女歌舞龍姥笑語龍君乘雲御天觀民浸漸入坎
汎濫磨颺九州浮漚蛟魚叶敖游鱗介曷害鯨大可膾干
將純陽過剛摧芒鳴鶻射潮海濤嶽高烈士感涕執義摩
厲城心堅金口箝佯瘖肝膽鏘劍血染花豔陸兮斷犀水
兮剗鯢南楚淨土擇主水府風胡吹噓湛盧與俱佳對可
意贅壻華毅舊嫵柳門新婚汝聯珠玉物屋屬目饜腹龍
窩寶多太阿奈何用而城麾舍而鋏歸

胡友梅字雪村廬陵人同治庚午舉人官樂平教諭有
聽雪軒詩鈔

山行

兩三茅屋是誰家門外參差綠樹遮樵客歸來春日暮擔

頭時見杜鵑花

睡覺

清簾晚睡覺，嘯鳥喧我屋。出門看夕陽，冥色在修竹。山空寂無人，懶雲已早宿。蕭蕭天氣涼，隨意坐苔綠。墮地鏗有聲，幽林松子熟。

三疊泉

五老骨瘦峭箕踞，窺天半羣峯。互相從儷立，各傲岸中間。一縫坼飛瀑，下碧漢。三疊始到地，疑是玉龍竄。雷霆日夜隨，轟轟勢凌亂。雲淨練孤懸，風激珠四散。峭壁含陰森，盤渦瀉浩漫。山靈命嚴扃，屏幃交衛扞。險巖橫礧格，結糾蔽叢灌。危步足生繭，暫坐背息汗。泠然肺膈清，耳目匪常玩。奇境未夢見，平生茲游冠。

葉道源字心渠宿遷人同治庚午舉人有大瓠山房詩集

遣興

久向人間覓賞音偶然冥想到山深
芝蘭自帶煙霞氣鸞鳳原無枳棘心
一獻已羞和氏玉再來誰問伯牙琴
栖栖負此擎雲志仍作當年抱膝吟

柬崔心孚

彭門流落久慰我意深深不作感恩語
恐違知己心干戈孤士憤猿鶴故山吟
賴有機雲在醇醪夜共斟

舜琴移家勺湖寄詩索和書此卻寄

共道勺湖好煙波五月涼水花跳白
雨寺柳覆紅牆菱渚鳥聲亂荷風人語香
晚天魚邃起擊楫詠滄浪

黃良輝字耀庭漢川人同治庚午舉人有黃氏詩鈔

過黃泥坪

險絕黃泥坂縈紆仄徑開凝寒冰聳骨突怒石離胎松老
疑龍立篁深訝虎來勞生畏形役慚愧勒銘才

秋日感懷雜詠

不與世俱去千秋惟此心名王動星象烈士感蒼禽蜀魄
悲何益湘流怨至今君看北郭外寒日下楓林

偕張方伯樵野琴臺秋禊

銀潢界西隅逸蹤襲二七穆若晒昌辰祓絜將階吉翠漪
綽竒態雕雲絢天質哲牧喟蕭序簿領勞丹乙迢遞琴臺
期夙翰召靈匹造欄瓊裾翔中座組珮溢雪藕羞輕絲冰
菱薦文寶桂醕旣射越蘭蒸復漚苾涼苔雨逾滋寒花晚

更密拘解疏屬年趣協滄洲日游盤惜晷遽歡淡忘景畢
何事拊牙微水木自明瑟

炎嶺富鳩鶩翰飛陵楚甸嬰鳴索其佻闕音振逸面闐闐
厲巖飈繕威詰戎戰龜腹歲聿舉折膠收萌變愉此暇日
豐衿綦盛驩醺氣清沙羨出霜落翼際見蘋茗纓廣隰綠
蕪絡修院鏘洋太音希芻罔元風扇逸緬漢儒疏眇默晉
臣傳殊世抗高躅遺徽驚奔電雖乏鵬弄娛雲物饗遐睠
君子福所綏嘉祥日衍衍

祈羊典云佚刑馬儀攸缺詠鄭摭暄萋賦魯采凝節禳殊
漢右葦榮符周先荊釋古模淵旨渺今颺芬烈及斯商令
佳吹萬齊姑潔儼駢訊咫路擘袂遘朋傑高義薄穹霄微
言渙晶雪天籟苟冥悟風絃徒虛設時哉迅燦忽瞬稷吟

織剝哀樂蕩精魄所思彌苑結遂欲遏六螭迫懔祕局鏞
丹青煥且彫令名焉可滅

往運萃陽九漢南橫氛霧於茲軌清夷庶康同王路逃揚
灞浹風邇擷洛濱步冷然排元筌振衣豁塵務偶欣金序
皎彌愜石交晤天末認逵鴻煙際辨汀鷺層臺閱廢興流
水鑿今故大雅此焉陟百代縣餘慕豈異棠陰憩躬仁化
行露咨予樛散姿于野相牽附敢負風桐奇謬希夔尹顧
庶奏淥水謠因風答咸獲

黃炳烜字蔚亭餘姚人同治庚午舉人有誦芬詩略

重讀行朝錄感賦

高牆天子氣夙昔著英風三詔人心繫兩年王運終入閩
懷遠志依鄭棄前功縱有黃蘇相無如歷數窮

陳豪字止庵號蘭洲仁和人同治庚午優貢官漢川知

縣有冬暄草堂詩集

詩話蘭洲居官多惠政襟懷高澹歸田後猶繫時望
惟以山水詩畫自娛詩近香山放翁畫尤天機趣妙
題句皆有言外遠致富春江行云樹杪行人忽隱見
樵薪有路皆山腰養病云寒蝶不來花寂寞滿階黃
葉夕陽多時有好禽來集樹雙
雙回首自梳翎真詩中畫地

子壽先生招飲乃園同子縝賡甫遲菊

卽事有遠心所在成林僻主人愛夏涼延客布芳席清尊
取次斟情話日已夕攬衣循幽蹊雜坐藉白石茶味淪花
氣湛然沁胸膈有亭面夷曠棲遲類村陌蓺菊連瓜疇灌
漣引泉脈素月東方升圓光補林罅好風何處來余意誠
莫逆平生邱壑志眷焉懷在昔良會自古今譽名貴無數
何以酬大賢念此日乾惕

游漢上琴臺同紫纈伯晉

琴響久消歇斯臺遂今古三人成此游意至無賓主野風
吹藕花花態各飛舞入門訝清迥炎曜忘亭午薇妍紅欲
笑林靜碧無暑倚窗盼湖天柳陰過柔艣山氣餘涼潤快
哉昨宵雨圖畫或不到造化爲之補椀檣隱參差遙情極
江許暫與塵喧隔徜徉樂茲土俯聽流水聲靈絃儻再鼓

初夏

初夏坐南軒圍列滋敷榮階草亦含潤芳氣薰曉晴胸次
已久靜何緣荆棘生昨夕得快雨天宇遂澄清頗聞農夫
語新苗布縱橫默祝蒼昊意但期歲功成人事暫以濟吾
心奚所營悠然念時運欣慨常交并平昔不嗜飲一杯偶
獨傾乘興弄柔翰時來白衣人翻笑柴桑翁高眠愁酒貧

澹靜澄眾慮大賢百世師
葛侯與陶叟襟抱無差池
和風吹我室朱明已及時
拂簟展蘄竹分盆供蜀葵
新荷未著花芳翠良足怡
雨過流晨氣几研有餘滋
游山方聽泉得閒偶賦詩
人境實深阻吾道終泰夷
富貴何如貧斯理曩昔知
湛然中有寶百年慎自持

有約

尋幽有約叩禪扃
風雪連朝未肯停
昨夜梅花來導我
蹇驢夢過南屏

題畫

得魚易醉已微醺
泛宅浮家涉歷多
鷗鳥同眠江上穩
轉疑朝市有風波

蘆花風起水天寬
午睡垂頭正飽餐
消受箇中涼意味
此

兒曾未夢長安

周家祿字彥昇號奧移海門人同治庚午優貢官江浦

訓導有壽愷堂集

詩話彥昇早擅詞章居江北與朱曼君范當世張季直齊名繼爲考據校讎之學經史皆有著述謝職遊撰朝鮮載記而未成晚客南皮項城幕中已老矣詩爾雅而有骨幹晚作七律尤勝如坐看白日真成暝不爲蒼生也自憂易主園林秋爛漫上游江漢客低徊英靈河朔人才盡花事城南野燒存

蓬萊閣早發望海

神女獻大珠奉槃出滄海忽爲羲和奪掄面失光彩龍宮起巖裝千山擎笏待俄頃朝天階拂衣霜皚皚星冠一搖動漫天散珠璣可惜青珊瑚墮水不可采

黃縣山行寄林怡庵

癸

冥行萬山顛忽然墮雲海赤日扶我起燒天作奇彩誰言
青山色萬古長不改倏忽幻波濤芙蓉愁不采據鞍四顧
望直下何礫礫處卑良所歎升高行復悔蓬萊高閣下秋
花黃蓓蕾持螯日痛飲憑闌幾人在

昌邑道中和張謇

芙蓉城北舊臺池貪看風光上馬遲出郭泉聲新雨後過
河山色夕陽時閒尋題字知曾到坐論人才醉不辭莫對
庭柯感搖落拂牀仍有柳絲絲

朝鮮王京送沈主事

瑩慶

內渡

朝鮮舊號高句麗漢唐文物今爲夷平壤春山空寂寂漢
城秋草何離離離離秋草埋宮闕住尙淒涼況堪別閩江
盡處是家鄉舉眼千山萬山雪昔年文肅初開府紺纈綠

輶秋按部部民喜迓杜征南天子遙咨仲山甫大星夜墜
三江水身後蕭條竟如此松柏南臺何處墳葛帔西華誰
氏子揚子江頭初識君天寒落葉正紛紛同舟萬里滄溟
水騎馬三韓日暮雲西風凍滑水原道失笑相扶玉山倒
圍鑪屢話十年游翻篋仍鈔百篇稟感君意氣劇縱衡心
知不言仍有情談深豈恨賞音寡論創惟憂座客驚與君
身世還相似道義訂交從此始他鄉念舊幸有人仕不爲
貧好知止

將發朝鮮留別東土大夫

春風楊柳漢江波零雨三年有凱歌漢將龍旂回日月王
人虎節照關河樓船橫海威名盛臺笠遮山惠愛多二十
一都馳馬過城南風景奈愁何

王師七月下東方國難懸知痛未忘豈有亡人讎衛輒似
聞故劍在昭陽檀君廢壤關時局衛滿荒營徹舊防宵肝
兩宮頻左顧諸君何以副尊王

連雞策士有陰謀從楚微聞欲背周四郡從來爲左翊九
夷何處著歐洲徙薪曲突君終諒揖盜開門我定憂崇禮
門前重回首出城江水正悠悠

熙甯雅樂滂宮懸鏡吹從人索和篇冬雪貂皮遼海市春
旂牛種漢陽田明農事業歸留相

時金留守允樞
方銳意農務

老論風

流萃眾賢七子賦詩如見寵東漸文教爲君傳

辰陽驛詠石

古有大力人天地始開闢割裂大圜體扶峙九州脊蠻方
五溪險苗疆六里籍山高偪天小溪多侵地窄吾從馬底

司來趣辰陽驛千流迸一怒一關搯眾隘請迴使者車暫
止游客屐爲君滌清泉聽我貌奇石大股嵩華剖小堞磊
砢積植柯仰厲斧築堵俯開隙木札險離斤衣袂破就刺
元冥汎水痕祝融熾火蹟紅陳廩君粟斷爛穆滿冊其間
雜醜怪乍覩驚辟易虎視爪齊奮熊經掌待擘層烝牛戴
牛僂立蹙迎蹙鬢女笑整鬢頤人怒脫幘皮堅幕渾敦窳
空鼓礚礚由來少文章頗復有絡脈賦形不害蠢取姿全
在瘠江南佳山水吳中盛園宅百金買皴瘦寸頑抵圭璧
良工費搜羅茲地獨狼藉君知天下奇造物故不惜

武昌留別汪鞏

鸞翔

橫議千家互倡酬微言六籍恣冥搜坐看白日眞成暝不
爲蒼生亦自憂風柳過牆堪受月露葵臨砌易當秋高談

向盡離愁始對此茫茫江漢流

武昌遇鄭蘇龕

孝胥

追悼亡友林怡庵

謝舅何甥並一時逢君偏恨十年遲
尊前海錯思珧柱漢上秋山對鬢絲
舉世不爲猶好句九原可作賸哀詞
北來舊對知誰在日沒黃壚凍酒卮

姚園答沈刑部

曾植

離離霜菊滿池臺身逐斜陽更一來
易主園林秋爛漫上游江漢客低回
關山老病真成廢文學俳優定乏才
木落洞庭愁日暮感君詩句拂塵埃

後樓感事

寂寂高樓俯水濱
誼誼龍鶴競殘鱗
帆開雲影移書幌
花落風枝損硯塵
衰病漸看成廢物
艱難無處著閒身
江南

四月鱗魚美何必豬肝苦累人

城南感事

凍雪歸鴉亂後村
觚棱斜日下營門
英靈河朔人才盡
花事城南野燒存
山寺賣漿貪客過
水亭題墨共誰論
桓公老去蕭公貴
且向黃壚問酒尊

晚晴籒詩匯卷一百六十四終